



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 859. Usque Ad Annum 887

**Fleury, Claude**

**August. Vind. [u.a.], 1760**

**VD18 90117875**

§. 48. Gotteschalci exitus.

---

[urn:nbn:de:hbz:466:1-66112](https://nbn-resolving.org/urn:nbn:de:hbz:466:1-66112)

gesta Ephemerides vel Annales fuerint Sæculum IX  
 rerum omnium sub singulis Pontificibus A. C. 866.  
 occurrentium.

## §. XLVIII.

*Gotteschalci Exitus.*

Tabellario, quem Hincmarus ad Egilone-  
 nem mittebat, jam itineri accincto,  
 ad Archiepiscopum defertur, Gumber-  
 tum Monachum Altovillariensem ex Mo-  
 nasterio cum libris, vestibus, equis, &  
 quidquid ferre poterat, clam excessisse.  
 Is in Italiam proficisci dicebatur, & por-  
 tare ad Papam libellum appellationis Sup. Lib. XLV. §. 49.  
 Gotteschalci, in eodem Monasterio in-  
 clusi, quocum secreto deliberasset, Epi-  
 stolas reddidisset, & ab eo accepisset.  
 Quo comperto Hincmarus cito ad Egilo-  
 nem dedit Epistolam, quam ut secretam  
 teneat, rogat. In ea vero dicit de Gum-  
 berto loquens: *Scit nempe, Pontificem* Opusc. 24. to. I. p. 290.  
*mibi detrabentibus faciles aures præbe-  
 re, eumque Regi Carolo scripsisse, non  
 posse se in omnibus mibi patrocinari. Pla-  
 ne non occurrit, in quo me unquam Pon-  
 tificem suo patrocinio juverit. Si de Got-  
 teschalco sermo sit, rationem reddidi Ar-  
 senio Legato & data ad Papam Epistola  
 quæsi, an præciperet, ut eum ad se mit-  
 terem, vel eum cuiquam alii custodien-  
 dum traderem. Si eum Papa alere vult,  
 Romam mittendus est a Rege, mibi enim*



Sæculum IX. *tot homines non sunt, ut proficiscenti  
A. C. 866. custodes dare queam. Et infra: Ajunt,  
Gotteschalco multos esse Sectatores, qualis  
Prudentius Episcopus fuit; namque id  
prodit in Scriptis suis, præsertim in An-  
nalibus Regum nostrorum, in quibus ad  
annum octingentesimum quinquagesimum  
nonum dicit: Nicolaus Papa Definitio-  
nem Doctrinæ Catholicæ confirmat de Gra-  
tia Dei, de Libero Arbitrio, de Veri-  
tate duarum prædestinationum, & de  
Sanguine Jesu Christi pro omnibus Fi-  
delibus effuso. Hincmarus subjungit:  
Annales isti in permultorum hominum  
manibus sunt. Rex etiam unum habet  
exemplar, quod mihi commodaverat, &  
quod te præsentem eidem restitui. Hic do-  
cet nos Hincmarus Auctorem istorum  
Annalium, qui hodie nomen S. Bertini  
servant, quia in eo Monasterio inventi  
sunt. Ceterum ad finem anni 859.  
eadem verba ab Hincmaro relata legi-  
mus. Quæ sequuntur Hincmarum au-  
ctorem habent, vel certe ex ipsius amicis  
aliquem, qui postquam obitum Pruden-  
tius narravit, dicit: Prudentius prioribus  
annis Gotteschalco adversatus fuerat;  
postea vero, cum quidam Episcopi una-  
cum eo contra hunc Hæreticum pugnan-  
tes ipsi bilem movissent, ejusdem Hæresis  
defensionem ferventissime suscepit, editis  
compluribus libris tam sibi ipsis, quam Fi-  
dei*

*Duch. to. 3.  
p. 150. III.*

*An. 861.*



dei Catholicæ contrariis. Hincmarus <sup>Sæculum IX.</sup>  
 in Epistola sua ad Egilonem addit: Si <sup>A.C. 866.</sup>  
 interrogent, quomodo Gotteschalcus cu-  
 stodiatur, dices; alimenta ei sicut cete-  
 ris hujus Congregationis fratribus præ-  
 beri, vestes quoque & ligna ad calefacien-  
 dum cubiculum, quantum satis est, sup-  
 peditari, atque in ipsius habitaculo cami-  
 num & omnia necessaria inesse, balnei u-  
 sum, si peteret, ei minime negari, sed ex  
 quo carcerem ingressus esset, lavare ma-  
 nus vel faciem pertinaciter noluisse, ita  
 ut, si emitteretur, sine borrore conspici  
 non posset. Huic Epistolæ arcanae jun- <sup>Opusc. 15.</sup>  
 xit Hincmarus alteram, quam Egilo pu-  
 blice exhiberet. In ea errores, quorum  
 Gotteschalcum arguit, fusissime expli-  
 cat.

Nescimus, an Gumbertus Monachus  
 Romam pervenerit, nec ulla de eo men-  
 tio post hæc occurrit. Illud vero con-  
 stat, Gotteschalcum haud multo post  
 tempore, nempe anno circiter octingen-  
 tesimo sexagesimo octavo in carcere suo  
 fuisse defunctum. Hincmarum Altovil-  
 læ commorantem monent Monachi, Got-  
 teschalcum ad extrema deduci. Mittit  
 ille morituro formulam fidei, cui si sub-  
 scriberet, Absolutionem & Viaticum ac-  
 ciperet; at pertinax sibi oblatam non si-

*De non trina  
 Deit. p. 552.*

M 5                      ac



Sæculum IX. ne indignatione rejecit. (\*) Cum Hincmarus inde abiisset, Monachis rescriptis præcipiens, si Gotteschalcus convertetur, facerent, quod præsens jussisset, secus vero, nec Sacramenta, nec Sepulturam Ecclesiasticam contumaci concederent. Mandata sua auctoritate complurium Patrum confirmabat. Tandem, Gotteschalco non retractante, Monachi Hincmari jussioni obsecuti sunt. (\*\*)

Inter-

(\*) Admirandi locus est, quæ in Libro de non Trina Deitate Hincmarus de Gotteschalco scripsit, referente Natali Alexandro in Sæc. IX. *Scriptis quoque ad Deum loquens, & dicens ei, quod ipse illi præcepit ut pro me non oraret, & quia primum Filius in eum intravit, postea Pater, deinde Spiritus Sanctus, qui in illum intrans, ei circa os barbam ussit. Et quia nollet vestimenta de vestiario Fratrum mihi communicantium accipere nisi pretio compararet, qui pretium non habebat, sed sic vellet ire, sicut Adam ibat, antequam peccaret. Ad hæc P. Natalis: Gotteschalcum non modo Hæreticum sed dementem fuisse oportet, si vera sunt quæ de eo scribit Hincmarus.*

(\*\*) Auctor Animadversionum in P. Natali de Gotteschalco scribit: *Pro Gotteschalci innocentia ita aliqui pugnant, ut nullius erroris reum fuisse pro viribus affirmant. Nempe, quod credant, eum docuisse, Deum prædestina-*

re



Interim Rex Carolus, Responso Pa-  
 pæ ad ordinandum Wulfadum Archie-  
 piscopum Bituricensem non expectato,  
 misit filium suum Carolomannum S. Me-  
 dardi Abbatem, qui ei possessionem Ec-  
 clesiæ Bituricensis traderet. Qui, sta-  
 tim soluto Concilio Suessionensi, mense  
 Sept. anno 866. cum Biturigas perve-  
 nisset, Wulfadum ab Aldone Lemovi-  
 censi Ecclesiæ Bituricensis Suffraganeo,  
 & quibusdam aliis Episcopis consecrari  
 curavit. Aldo inter Cæremonias febrī  
 correptus brevi post tempore obiit;  
 quam rem notatu dignissimam Wul-  
 fadi Adversarii esse existimabant.

Sæculum IX.  
 A. C. 866.

Ann. Bert.  
 866.

§. XLIX.

*Conversio Bulgarorum.*

Summus Pontifex, missis per Michae-  
 lem Protospatharium ad Michaelem  
 Imperatorem literis, aliquot Episcopos  
 Urbi

Sup. n. 41.  
 Nic. ep. 7.

re reprobos ad pœnam, non vero ad culpam.  
 Aliis, quos sequitur Natalis, placet Gotteschal-  
 cum juste fuisse damnatum, quia prædestinatio-  
 nam Hæresim ab orco revocaverit. Post alia  
 dicit item Auctor: Quantumvis nihilominus in-  
 noxia fuerit Gotteschalci doctrina, in eo re-  
 prehendum agnovit etiam Ecclesia Lugdu-  
 nensis, quia importunas excitaverit controver-  
 sias, easque nimia audacia ac temeritate defen-  
 dendas suscepit.